

網適皇想朱鳥之次舍軌度兮豁達蘭轡何開耀鉉乘寒
滂潮水之值倒推盪兮散曉赧霞氣之輾轆彩章迺蜚騰
於霖霖兮竟瞑眩於混茫緊高抗乎氛曠兮僅啓明之獨
爍歛遠麾之廢燭兮遽群動之盡躍川后潛精而窟藏兮
海童覩曜以犇愕蛟鼉揚鬚撥髮以悠漾兮鴻鶴刷毛挾
翅而陵薄弄琅琊之躋臺兮泐鯨山而畫其燧也閼羅浮
之睭井兮滉蜃穴而夜其燭也迅夸娥之杖策兮懼目追逐
而莫之眺連也怒魯陽之揮戈兮恠盤礴之弗吾規獲也
惟圭臬之可測兮奈隙駒之焉託恒鞠明而究曛兮遂壯
凋而老鏢昔聖賢之有法兮寔蓋渾之同天矧鍊石而凝
質兮復斷鼇而鎮淵將渤澥之鑿竈兮淪谷底而迭燃抑

崑崙之嶺峙兮繞巖腹而互旋豈文身黑齒之俯迹所出
兮貫裸壤以相連或崦嵫濛汜之遠歷所沒兮罄八國之
窮孺歎嚴冰與飄雪兮曠古莽之鮮覺常眠惕重蒸與豐
奠兮煥炎丘之毒瘴霾烟諒衆人之憎慝兮持蜂蠆之撲
緣偉小兒之辯智兮雖睿哲而勿宣彼凡俗之多故兮遇
曙朝而即竟誠旦晝之枯亡兮嚮晦昏而暫定紛仕學之
攘爭兮集農賈之闐迸滯末作以相資兮侈利心之百穿
儻桑榆之不復滅沒兮晝奪時而力政願鬱儀之恒若溟
津兮庶保躬而固命器曉籌而催闢兮警宵柝而告靜信
舉策而豫知兮幸聞鍾而深省何觀瞻之不足兮重徙倚
以盤桓光已通於一躍兮影奚候於三竿逮層溟之畢露